

唐文粹

欽定四庫全書
唐文粹


吉林出版集團有限責任公司
海 天 出 版 社

欽定四庫全書薈要

集部
總集類

吉林出版集團有限責任公司
海天出版社





目次

書名	卷次	頁次	作者
唐文粹 卷五七 碑 卷五八 碑 卷五九 碑 卷六〇 碑 卷六一 碑 卷六二 碑 卷六三 碑	卷五七—卷一〇〇	四七六一— 四七六一—一八 四七六一—三二 四七六一—四一 四七六一—五四 四七六一—六三 四七六一—七三	宋·姚鉉編

書名	卷次	頁次	作者
卷六四 碑		四七六—八五	
卷六五 碑		四七六—九八	
卷六六 銘		四七六—一一五	
卷六七 銘		四七六—一二四	
卷六八 銘		四七六—一三五	
卷六九 銘		四七六—一五一	
卷七〇 銘		四七六—一六五	
卷七一 記		四七六—一七三	
卷七二 記		四七六—一八二	

書名	卷次	頁次	作者
卷七三 記		四七六一—一九三	
卷七四 記		四七六一—二〇三	
卷七五 記		四七六一—二一八	
卷七六 記		四七六一—二三六	
卷七七 記		四七六一—三三七	
卷七八 箴誠銘		四七六一—二五二	
卷七九 書		四七六一—二六六	
卷八〇 書		四七六一—二七七	
卷八一 書		四七六一—二九三	

書名	卷次	頁次	作者
卷八二 書		四七六―三〇一	
卷八三 書		四七六―三二四	
卷八四 書		四七六―三二八	
卷八五 書		四七六―三四〇	
卷八六 書		四七六―三五二	
卷八七 書		四七六―三六三	
卷八八 書		四七六―三七三	
卷八九 書		四七六―三八八	
卷九〇 書		四七六―四〇一	

書名	卷次	頁次	作者
卷九一		四七六—四一三	
序			
卷九二		四七六—四二八	
序			
卷九三		四七六—四四五	
序			
卷九四		四七六—四六〇	
序			
卷九五		四七六—四六九	
序			
卷九六		四七六—四八二	
序			
卷九七		四七六—四九六	
序			
卷九八		四七六—五〇七	
序			
卷九九		四七六—五二〇	
傳錄紀事			

<p>卷一〇〇 傳錄紀事</p>	<p>書名</p>
	<p>卷次</p>
	<p>頁次</p>
	<p>作者</p>

書

名

卷

次

頁

次

作

者

卷一〇〇

傳錄紀事

四七六—五三三

欽定四庫全書薈要

集部
唐文粹卷五十七

欽定四庫全書薈要卷一萬九千八百八十集部

唐文粹卷五十七

宋姚鉉編

碑九 總七首

使相三

唐太尉中書令西平王李晟神道碑

裴度

唐檢校司徒中書令咸寧郡王渾瑊神道碑

權德輿

唐司徒中書令許國公韓弘神道碑

韓愈

欽定四庫全書

唐文粹
卷五十七

節制四

唐四鎮北庭行營節度使扶風郡王馬璘神道碑

常衮

唐贈司空范陽大都督忠烈公李楷神道碑

楊炎

唐贈涼州都督隴右節度大使郭知運神道碑

張說

唐邠寧節度使史孝章神道碑

劉禹錫

詳校官候選知縣臣吳尚華



唐太尉中書令西平王李公神道碑銘 并序

裴度

惟天錫成命於我唐保茲國祚生此人傑則西平王李公其是乎不然何覆暴如風振槁葉戴君若鼉冠靈山橫流之中一匡而定公諱晟字良器其尤隴西人後徙京兆曾祖高皇岷州刺史祖思恭皇洮川刺史贈幽州大都督考欽皇左金吾衛大將軍隴右節度經略副使贈太子太保代有名跡雄於西土公幼好學學不為己

欽定四庫全書

唐文粹
卷五十七

三

及讀呂張孫吳之書慨然有經邦濟物之志未弱冠遊秦涼間元侯宿將見者咸器異之乾元初嘗客武都值酋豪以缺守遘亂殺掠平人公與所從十數騎馳而射之殪其為魁者餘黨遂遁寇所虜獲積如丘山公一無所取惟牛醜酒享士而去邦人感服具狀以聞特拜左清道率飾以金紫將朝京師自獻方略屬裔夷紛擾有土急賢河隴將帥相繼表用歷二府右職所至常以才謀為其委重累遷至光祿太常卿階爵在第一名涇原

四鎮北庭節度都知兵馬使懸識虜態周知地形應變不窮有奪有待驥驟庭而莫展雲出岫而斯飛代宗徵

以左金吾衛將軍為神策兵馬使屬羌蠻犯蜀朝廷濟師命公督禁旅絕棧道而往救焉公銜枚過險出賊不意連下堅壁遂誅首惡還授檢校太子賓客且復舊職建中二年田悅以魏叛德宗極意致討悉起徂征以公為神策先鋒都知兵馬使加御史中丞與河東河南等道諸軍合擊公濟河而行能以衆正及破洹水陣解臨

欽定四庫全書

唐文粹
卷五十七

三

沼圍轢魏屬城抵燕通邑其摧鋒劔銳皆先羣帥而實力焉迺拜左散騎常侍兼御史大夫厥功未成聞賊泚肆逆皇居失守西嚮慟哭載馳驅行及代北授檢校工部尚書充神策行營節度公提孤軍募散卒拊循訓勵以達行在值懷光中叛大駕再遷加檢校右僕射餘如故尋轉左僕射同平章事兼京兆尹神策軍京畿鄜坊節度觀察使管內及商華等州副元帥公固守渭城決平秦壘調食制用先發我私捐甘攻苦皆自我始每

一言一誓聲淚俱發勇夫義士感而使之獲不濟矣時
自雍而東延於汝洛震於河汴所在征鎮亂掠相從公
介巨盜之間使聲援斷絕立成師之法致號令嚴肅蒐
捕十旬指揮一舉乘墉壑而通軌道磔梟獍以清宮禁
俾九市三條無輟肆之驚無秋毫之犯羽書速告鑿輅
爰歸廓氛稜為祥光攄憂憤為喜氣詩曰允矣君子展
也大成斯之謂歟考古視今論功稱忠者多矣若至危
而安至難而易卓犖跨邁如公莫儔拜司徒兼中書令
俄以光尊未寧邊防猶警岐下任重乃以本官兼鳳翔
尹鳳翔隴右節度觀察使及四鎮北庭涇原等州副元
帥改封西平郡王加食邑實封至一千五百戶公名懾
戎王政和藩部始至而生植少安而訓齊逮四載賦輿
十倍其初會課入輔拜太尉中樞如故人或謂公勳望
已高寵渥已極宜從容頤養稍稍遜避公曰不然人臣
外則盡心若止偷榮孰為且哲故每承帷幄之間則言
咈無隱理奪不回大指以東夏可平西陲可復或已行

欽定四庫全書

唐文粹
卷五十七

四

而事終不顯或未用而身遽不遺以貞元九年八月四
日薨於位春秋六十七德宗撫几哭於別次自都邑達
關畿無士庶無老幼皆發哀相弔則曩時安人戢兵之
德可謂浹於元元之骨髓矣冊贈太師賻賙加等以其
年十二月十六日葬於高陵縣奉正原鄭國夫人杜氏
祔焉自捐寢至安宅皆上所辨護中貴反覆萬情所奉
如不及焉嗚呼以公之靜難扶傾不言所利雖存歿極
位始終殊禮而天意若曰其福享未至故延於後有
子曰愿故檢校司空河中節度等使贈司徒五列雄鎮
三為上公曰聰故光祿寺主簿曰總故太子中允贈兵
部郎中曰遜左神武大將軍贈洪州都督曰恕故光祿
卿贈右散騎常侍曰憑故右威衛大將軍曰憲檢校左
散騎常侍嶺南觀察等使進因貴胄達以善政曰愬故
檢校左僕射同中書門下平章事贈太尉克廣前修仍
執醜虜曰懿故渭南尉曰聰檢校司徒義成軍節度使
統戎按俗是以似之曰憇右羽林將軍曰憇嵐州刺史

欽定四庫全書

唐文粹
卷五十七

五

並地勢用兼而有焉粵大和元年秋七月聽拜疏上
言以公之徽烈則御製碑文於渭川矣以公之風度則
詔命圖形於雲臺矣唯大其丘壘鬱彼松楸望有祁山
之象拜無峴首之碑將刊貞石式表幽隧乃命臣度稱
伐言詩其詞曰

建中季年大盜忽馬皇輿避狄狩於梁川顧謂太師汝
才汝略將威致討必殄寇虐太師泣奉捐軀誓眾度其
成城可以利用赫矣鋪敦傳於牆垣手搏足躋如衝如

欽定四庫全書

唐文粹
卷五十七

六

援一鼓而破一麾而奔掃清宮闈刷蕩妖昏我師益止
我令行矣鄙人不知已事方喜飛童告慶飭駕言旋鴻
烈耀古讜聳動天車服之錫河山之誓九命而俯一心
若厲俾侯於岐阜安邊陲藩政既成袞職攸宜嶽降帝
齋矢言詭詞我后嘉猷我躬何為道直氣和勞謙終吉
福履所綏未至萬一上天不惠厚宥邁歸垂裕流光用
延恩暉翼子肥家將壇台席繼立竒功代傳休績聽與
伯仲永懷高蹤請於朝廷表是丘封帝曰孝哉胡可不

從宣我祖之不業繁爾父之嘉庸乃詔作銘以觀億齡

唐故朔方河中晉絳邠寧慶等州兵馬副元帥河

中絳邠節度營田觀察處置等使元從奉天定難

功臣開府儀同三司檢校司徒兼中書令河中尹

上柱國咸寧郡王贈太師忠武軍公神道碑銘

并

序

權德輿

天地訢合以生百嘉其成歲功也則有震耀肅殺之助
焉君臣保乂以熙百志其講武功也則有經綸翼戴之

欽定四庫全書

唐文粹
卷五十七

七

輔焉龍蛇起蟄山澤通氣與運相值有開必先斯太師
所以宣力四代稽暮七德輝耀威靈勤身濯行霆征風
行乃緝熙于光明故琀戈淑旂以嚴師律黃流玄衮以
正台曜湛露彤弓以覺報宴納書追命以榮恤禮蕃錫
始終如公之功公諱瑊字某其先夏姁之後為淳維漢
劉之代為渾邪或強為國或分以姓貞觀中開置州瓌
就加官師曾祖元慶皇豹韜衛將軍靈丘縣開國伯祖
文壽皇太子僕贈尚書左僕射考釋之皇開府儀同三

司太常卿兼御史中丞寧朔郡王贈司空惟靈丘紹先
公之職居次卿之重僕射以積厚克家寧朔以偉才雄
邊貴任崇勳乃列茅社流光追遠是加密印迴復介社
間生元臣功昭於前人德合於大君建中癸亥翠華西
狩公以大司馬艱貞翼從部勒戎車揣摩殺機勤勞行
內為上心膺登壇授律誓命交感如漢拜淮陰侯故事
而又加焉乃進左揆遂叅大政摠賦輿而為之師長恢
王略而以此北伐兗黨盡統壁於武亭公以事鉅師老

欽定四庫全書

唐文粹
卷五十七

八

則傷威重正合奇勝在於疾力奮寡擊衆鼓行無前穢
夷潰弱如建瓴水中堅席勝又覆於咸陽長轂啓行既
門於延秋會西平王以東諸侯之師清宮獻捷公乃抑
其賈勇須彼成功室士心之尅伐息兵火之氣燄然後
窮追斬級冠孽以平備法從於清蹕捧大明於黃道告
廟薦功登拜上台撫封尹正復與虜會時北平王出大
鹵收絳臺而公已總成師下左輔於是輯忠力揚奇鋒
復離宮拔堅壘衝陣壓境傳於蒲津金鼓之聲氣相合

山河之表裏皆復渠魁授首師帥協附安流以濟方軌
而前士不惟傷工不易肆殄寇正刑四方咸蘇論道進
律乃平水土秉誼靖人以修班制休嘉貴於草木利澤
逮於鰥寡言為軍志動為吏師貞元丙子政成一紀進
掌邦教遂居右弼十五年冬寢疾十二月辛未薨於理
所享年六十四皇上悼歎不視朝五日冊贈太師賻祔
甲祠有司備物大僚兼事明年二月甲申葬我太師於
萬年縣洪固原太常跡其功德奏諡曰忠武禮也初公

欽定四庫全書

唐文粹
卷五十七

九

年十一以將門子仕於邊部未弱冠五遷至左驍衛將
軍始從朔方之師戰黑山次從隴右之師摧石堡又嘗
西出臨洮奪昆夷之善地而為之壁壘北絕大漠破獫
狁之堅甲而焚其廬帳又從汾陽王臨淮王討反虜於
山東攻贊皇北取真定射其持將李立節貫於左肩斃
之入五遷至太常卿皆以功次其間開地於河曲以靜
九蕃宣威於陝西乃定三川凡王師之所以尅獲都邑
元老之所以發揚蹈厲公必居其先偏而當其勅劇故

以御史中丞為靈州左司馬以御史大夫為邠州刺史以工部尚書為單于大都護專征上郡榆林之地入為左金吾衛大將軍又以戶部尚書奉普王出車之重自時厥後投艱感槩能納大忠以恤大事理滿十六年再陟公台以司空兼侍中以司徒兼中書令大凡歷官二十八次真食千八百室居節制者五副元帥者四材力絕人始封樓煩方內洽平乃進咸寧凡汾陽王九伐之勲公皆左右四履之地公皆踐歷憫冊師禮法諡尊名

欽定四庫全書

唐文粹 卷五十七

十

公皆如之所不至者壽而已矣惟公厚性寬中智謀深靜秉義類以賦明命植端誠以紂王慝講功述職遠意長利執德之柄蹈禮之輿致其用以格天啓其心以沃聖協建皇極為宗工元龜雅好左氏春秋班氏史得考父之恭范宣之讓驃衛之功略黃韓之教化又嘗慕太史自叙著作行紀一篇詞不矜大而事皆明備有子五人曰殿中少監鍊太子中允鎬太子司議郎鉅櫟陽尉綱雲陽尉鐵著位於兩宮以奉朝請試吏於縣內以修

事任食德而才稟訓而忠皆以純孝致其哀敬令弟輔國大將軍右領軍衛將軍武當郡王玘與諸孤等推蒸曩景鍾之義因識表以聞有詔詞臣刻石傳信乃採其贊書侯表作神道銘銘曰

北戴斗極陰方尚武玄金朱轡錫命都府太師間代感會雲雨四征庇人九合尊主昔未成童則能肆勤卓行深入致果忘身弱冠摧鋒環列南軍中興之後書社策勲援枹兩河轉戰三秦靈翔郇邠所居必聞出統藩衛

欽定四庫全書

唐文粹 卷五十七

十一

入司徵巡時丁厄難節冠羣倫逋誅煽宿狂穢宮闕西平鞠旅公亦授鉞既臨延秋如火烈烈休士退舍時惟不伐稔沓濛濛蒲津未通北平釋位公實撫封胥命長春克成厥功開壁勞軍靡有不同以律則臧在和而克時惟太師有嚴有翼乃敷仁澤乃布條職時惟太師有功有德三公二府是獎是陟祿印易名以尊以飾材官介士鹵簿悽惻大隧鮮原中南之北萬邦作憲永代是式追琢馨香與唐無極

唐司徒兼侍中中書令許國公贈太尉韓公神道

碑銘 并序

韓愈

韓姬姓以國氏其先有自潁川徙陽夏者其地於今為陳之太康太康之韓其稱益乂然自公始大著公諱弘公之父曰海為人魁偉沈塞以武勇游仕許汴之間寡言自可不與人校眾推之為長者官至遊擊將軍贈太師娶鄉邑劉氏女生公是為齊國夫人夫人之兄曰司徒玄佐有功建中貞元之間為宣武軍帥有汴宋毫潁

欽定四庫全書

唐文粹
卷五十七

十三

四州之地兵士十萬人公少依舅氏讀書習騎射事親孝謹侶侶自將不縱為子弟華靡遨放事出入敬恭軍中皆目之嘗一抵京師就明經試退曰此不足發名成業復去從舅氏學將兵數百人悉識其材鄙怯智勇指付必堪其事司徒奇之士卒屬心諸老將自以為不及司徒卒去為宋南城將比六七歲汴軍連亂不定貞元十五年劉逸淮死軍中皆曰此軍司徒所樹必擇其骨肉為士卒所慕賴者付之今見在人莫如韓生且其功

最大而材又俊即柄授之而請命於天子天子以為然

遂自大理評事拜工部尚書代逸淮為宣武軍節度使悉有舅氏司徒之兵與地眾果大悅便之當此時陳許帥曲環死吳少誠反自將圍許求援於逸淮咱之以陳歸汴使數輩在館公悉驅出斬之選卒三千會諸軍擊少誠許下少誠失勢以走河南無事公曰自吾舅歿五亂於汴者吾苗薈而髮柳之幾盡然不揃刈不足令震駭命劉錡以其卒三百人待命於門數之以數與於亂

欽定四庫全書

唐文粹
卷五十七

十三

自以為功并斬之以徇血流波道自是訖公之朝京師二十一年莫敢有謹呶叫號於城郭者李師古作言起事也兵於曹以嚇滑帥且告假道公使謂曰汝能越吾界而為盜邪有以相待無為空言滑帥告急公使謂曰吾在此公無恐或告曰剪棘夷道兵且至矣請備之公曰兵來不除道也不為應師古計窮變索遷延旋軍少誠以牛皮鞵材遺師古師古以鹽資少誠潛過公界覺皆留輸之庫曰此於法不得以私相餽田弘正之開魏